



**PARTORDING NI PARMINGGUON
DI MINGGU SEPTUAGESIMA**

DOHOT



**ACARA PABORHATHON DOHOT PAOJAKHON
PENDETA HKBP RESSORT KRAMAT JATI**

Pdt. Samuel Christian Sitompul, STh

tu

Pdt. Dr. Anna Ch. Vera Pangaribuan

Niuluhon ni :

Pdt. Bernard Manik, MTh

Praeses HKBP Distrik VIII DKI Jakarta Raya

TOPIK:

GOK HUASO DO HATA NI DEBATA

Ev. Lukas 4 : 31 – 37

Ep. Psalmen 111 : 1 – 10

**HURIA KRISTEN BATAK PROTESTAN
KRAMAT JATI**

Minggu, 31 Januari 2021

01. PAMUHAI :

U : Selamat ari Minggu tu hita saluhutna. Masuk ma hita tu Minggu SEPTUAGESIMA, marhite Minggunta sadarion dipatupa hurianta do Paborhathon dohot Paojakhon Pendeta HKBP Ressort Kramat Jati na niuluhon Praeses VIII DKI Jakarta Raya, jala ditogihon do hita marsomba tu Debata, marhite topik ni Minggu : **GOK HUASO DO HATA NI DEBATA.** Antong dibagasan serep dohot unduk ni roha, tapangiar ma soaranta mamuji Tuhan Debata. Marende ma hita!

02. Marende BE No. 6 : 1 – 2 “PUJI JAHOWA NA SANGAP”

- ❖ *Puji Jahowa na sangap huhut marmulia
Hamu sude na parroha na ringgas na ria
Marpungu be, marolopolop sude, hamu sude manisia
=== Jongjong ===*
- ❖ *Puji Jahowa Sigomgom sude parluhutan
Na manogihon ho songon niiring ni tangan
Dohot hosam, songon hombar tu roham sai diramoti Ibana*

03. VOTUM – INTROITUS – TANGIANG:

U : **Marhitehite Goar ni Debata Ama, dohot Goar ni AnakNa Tuhan Jesus Kristus, dohot Goar ni Tondi Porbadia na tumompa langit dohot tano on. Amen.** Songon on didok Tuhan Jesus : Ro ma hamu tu Ahu, hamu angka na loja jala na sorat, hupasonang pe hamu. Buat hamu ma augangKu tu hamu, guruhon hamu ma sian Ahu, ai na lambok do Ahu jala na serep marroha, asa dapotan paradianan hasonangan tondimuna. Haleluya!

R : (Mangendehon): Haleluya, Haleluya, Haleluya!

U : **Martangiang ma hita** : Ale Tuhan Debata, Amanami na di banua ginjang ! Asi ma rohaM di hami halak na gale on. Diida Ho, na gogo do musunami, sai talu do hami dibahen ala ni hagaleonnami. Dibahen i hupangido hami tu Ho : Sai pargogoi

jala pamonang ma hami maralohon musu i marhitehite panaonon ni Anak haholongan ni rohaM, Tuhan Jesus Kristus. Amen. **(Hundul)**

04. Marende BE No. 135 : 3 “O TONDI PARBADIA I BONGOTI”

❖ *Ho do nampuna hami on, ro di sandok portibi on,
Ho ingkon sombaonna, nang lan dope na modom i,
Hinorhon ni jeana i, Ho do tangihononna
Ingkon monang Ho, o Tuhan maralohon haholomon
Ho do Raja sioloan.*

05. PATIK:

U : Tatangihon ma Patik ni Debata di Minggu SEPTUAGESIMA sadari on, i ma Patik Pa-Opathon dohot Lapatanna : “Ingot hamu ma pabadiahon ari minggu ! Di na onom ari ma ula hamu nasa siulaonmu, alai anggo ari papituhon i, ari paradianan ni Jahowa Debatam do i. Nandang jadi ho mangula anggo di sadari i, manang anakmu pe manang borum, manang naposom lahilahi, manang naposom boruboru, ro di pinahanmu ro di pangisi ni huta ni halak pe na mangebati hutam. Ai di na onom ari do ditompa Debata langit dohot tano dohot laut dohot nasa isina; dung i maradian do Ibana di ari papituhon i. Dibahen i do umbahen na dipasupasu Debata Jahowa ari paradianan i jala diparbadiai.” **Dia do lapatan ni i?** On do: Ingkon dihabiari rohanta Debata jala ingkon holong rohanta di Ibana, asa unang tois rohanta di ajar na sian Hata ni Debata, ingkon badia do Hata ni Debata di rohanta jala ingkon ringgas rohanta tumangihon dohot mangguruhon. (*I do sahatna. Rap mangido gogo ma hita tu adopan ni Debata, laho mangulahon PatikNa i*)

R : Ale Tuhan Debata, sai pargogoi ma hami mangulahon na hombar tu PatikMi. Amen.

06. Marende BE No. 416 : 1, 4 “TU JOLOM O DEBATANGKU”

- ❖ *Tu joloM o Debatangku! Sai use do rohangkon.
Sai pasiat tangiangku dohot iluilungkon. (Jongjong)*
- ❖ *Ala nii tungki rohangku, jongjong di adopanMi;
Sai asi rohaM Tuhanku, sesa nasa dosangki!*

07. MANOPOTI DOSA:

U : Tatopoti ma dosanta tu adopan ni Debata, martangiang hita : Ale Tuhan Debata, Ama ni Tuhannami Jesus Kristus, Ho do Debata pargogo na so hatudosan, sitompa nasa na adong, paruhum na tigor, na manguhumi jolma manisia! Na ro do hami tu joloM manopoti dosanami, angka na huula hami marhite sian pangalaosionnami di PatikMu, i ma marhite sian tubutubu ni rohanami na roa i, nang sian pangkataionnami na so ture, ro di pangoloionnami di hisaphisap ni rohanami. Na tama situtu do hona uhum hami ala ni dosanami i, alai na tarsolsolbagi do hami nuaeng ala ni i. Asi ma rohaM di hami, ale Debatanami. Pardengganbasa jala Parasi roha do Ho ala ni Anak haholongan ni rohaM, Tuhan Jesus Kristus Tuhannami. Sai sesa ma dosanami saluhutna, jala suru ma Tondi Parbadia tu rohanami be, asa tarbahen hami mangoloi Ho di bagasan hatigoran dohot habadiaon, gabe sahat hami tu hangoluan na so ra suda, na pinarbagabagaM di angka na porsea di AnakMu, Tuhan Jesus Kristus, Tuhannami. Amen.

---- (*Martangiang na hohom, instrumen*)----

U : Bagabaga ni Debata taringot tu hasesaan ni dosanta: Songon on do Hata ni Tuhan Jahowa : Nunga diarsahi ho Ahu marhite sian angka dosam, jala nunga dilojai ho Ahu marhite sian angka hajahatonmu. Ahu tutu, Ahu sandiri manalesei angka pangalaosim ala ni hadirionKu, jala ndang be hupaingotingot angka dosam. Hasangapon ma di Debata na di ginjang!

R : Amen (Hundul)

08. Marende BE No. 210 : 2 “O TUHAN NA MARASI ROHA”

- ❖ *Dibahen Ho do pardengganan, pasaehon dosa i sude.
I do manghorhon haluaon, di hami na tarjea i
I pe mauliate ma au on di Ho o Debata.*

09. EPISTEL :

U : Hata ni Debata turpuk Epistel di Minggu SEPTUAGESIMA sadarion, tarsurat di **Psalmen 111 : 1 – 10**. Pujionku ma Jahowa sian nasa roha di luhutan ni angka partigor dohot di huria i.

R : **Balga do angka pambahenan ni Jahowa, hinalungunhon ni sude angka na lomo roha disi.**

U : Hamuliaon dohot hasangapon do parulaonna i, jala hot do jongjong hatigoranna i salelenglelengna.

R : **Nunga dibahen Ibana sada parningotan di halongangan angka na binahenna i, pardengganbasa jala parasi roha do Jahowa.**

U : Nunga diparbohali angka na mangkabiari Ibana, diingot do padan binahenna i ro di salelenglelengna.

R : **Nunga dipabotohon tu bangsona gogo ni pambahenanna i mangalehon tu nasida parjambaran ni angka parbegu.**

U : Hasintongan dohot uhum do angka pambahenan ni tanganna, sintong do sude angka patikna i.

R : **Hot do angka i ro di salelenglelengna, dibahen do angka i di bagasan hasintongan dohot habonaron.**

U : Nunga ditongoshon Ibana haluaon tu bangsona, dipatik do padan binahenna i salelenglelengna, nabadia jala na songkal do goarna i.

R : Biar mida Jahowa do parmulaan ni habisuhon, maruli hapistaran na sumurung do sude angka na mangulahonsa; hot do baritana i ro di salelenglelengna.

U : I do sahatna. Martua ma angka na tumangihon Hata ni Debata jala na umpeopsa. Amen.

10. Marende BE No. 669 : 1, 4 “NA JUMPANG AU”

- ❖ *Ringgas au paboahon, barita na uli
Barita haholongon, ni Jesus Tuhanki,
Ringgas au paboahon, ai na sintong do i
Mambuat nasa holso, soada tudos nii
Ringgas au paboahon, barita na ummuli,
Barita haholongon, ni Jesus Tuhanki. (Jongjong)*
- ❖ *Ringgas au paboahon, Barita na uli,
Ai angka naung manjalo, uasan do disi,
Dungi di surgo sogot endehononku i,
Barita haholongon, ni Jesus Tuhanki.
Ringgas au paboahon, barita na ummuli,
Barita haholongon, ni Jesus Tuhanki.*

11. MANGHATINDANGHON HAPORSEASON:

U : Tahatindangkon ma haporseaonta i, songon na hinatindangkon ni donganta sahaporseason di sandok portibi on. Rap ma hita mandok:

R : Ahu Porsea..... (Hundul)

12. TINGTING

13. Koor Vitual : Elfecho

13. Marende BE No. 30 : 1 ... “JESUS LEHON HATORANGAN”

(Pel. Ia, Ib & II Pusat)

- ❖ *Jesus lehon hatorangan, hapistaran mangantusi hataMi*

*Lehon mata na marnida, dohot roha na umboto dalamMi
Asa tongtong maradophon bohiMi mardalan hami
Asa digomgomi TondiMi ma hami. === Musik ===*

- ❖ *Ganup ari ma ajari hami na di haotoon i dope
Asa lam porsea hami Ho sambing do hangoluannami i
Lam lumeleng lam pasolhot tu rohaM ma rohanami
Hombar tu HataM ma pangalahonami === Musik ===*
- ❖ *Sai martua ma nasida na mambahen Jesus haposanna i
Aut tung sura olo hita Jesus i baen parsigantunganta i
Ale Jesus sai patogu hami na di parporangan
Asa dapot di ujungna hamonangan*

14. JAMITA : Lukas 4 : 31 - 37

15. Marende BE No. 443 : 1--- “DUNG TUHAN JESUS”

(Pel. tu Pandita na Pinda)

- ❖ *Dung Tuhan Jesus nampuna au, songgop dameNa, biarhu lao,
Taripar gogo ngoluna i, nasa dosangku naung sae do i.
Tabaritahon holongNa i, di dia Tuhan, tudoshon i?
Tuk manumpahi, tarlobi da? Sasada Jesus pinuji ma!
=== Musik ===*
- ❖ *Di Ho ngolungku! Las rohangki jumolo Jesus siluami.
PangiringonMu, tolongMu i, mangalo dosa nang rohangki.
Tabaritahon holongNa i, di dia Tuhan, tudoshon i?
Tuk manumpahi, tarlobi da? Sasada Jesus pinuji ma!
=== Musik ===*
- ❖ *Hibul ma ahu, Jesus di Ho, sonang rohangku, tarapul do.
Mian di au ma baen hataMi, paima das au tu lambungMi
Tabaritahon holongNa i, di dia Tuhan, tudoshon i?
Tuk manumpahi, tarlobi da? Sasada Jesus pinuji ma!*

16. ACARA PABORHATHON DOHOT PAOJAKHON

a) Marende Huria No. 467, 1 “Asi ni Roham hu Puji” BL. 315

(Di tingki marende, ro ma tujolo Pandita na naeng dipaborhat mangadophon langgatan)

- ❖ *Asi ni roham hupuji ala Ho manobus au.
Dipaias Ho rohangku, gabe soranganMu au.
IngananMu rohanami, TondiMi manggohi i.
Pangke dohot ngolunami gabe ulaulaMi.*

b) Paborhathon:

1) **Praeses** : Hamu Amanami/Inanami dongan sahuria; Sadari on ma paborhatonta Amanta **Pdt. Samuel Christian Sitompul, STh** tu panghobasionna na imbaru. Tahamauliatehon ma tu Tuhanta sude panghobasion nasida nasailaon di **HKBP Ressort Kramat Jati Distrik VIII DKI Jakarta Raya**. Hombar tusi tabegema Surat Keputusan/ Ketetapan ni Ephorus HKBP taringot tu parpindaon nasida.

2) Manjaha SK ni Ephorus HKBP

3) **Praeses:** *(huhut masijalangan dohot napinaborhat)*
Marhitehite Goar ni Debata Ama, dohot Goar ni AnakNa Tuhan Jesus Kristus dohot Goar ni Tondi Parbadia hupaborhat ma hamu **Pdt. Samuel Christian Sitompul, STh** sian **HKBP Ressort Kramat Jati gabe Praeses HKBP Distrik XXXII Lampung**. Sai dipasupasu Tuhanta ma angka panghobasion muna nasailaon di huria on, jala dipargogoi huhut dipatau ma hamu di inganan panghobasionmuna na imbaru. Amen

c) Marende no. 156, 5 “Jahowa Tuhanki” BL. 149

(Tingki marendeon, mulakma na pinaborhat tu hundulanna, jala tu jolo ma na naeng dipaojak):

❖ *Antong asi rohaM, sai pargogoi nasida,
huhut pasaut hataM, dongani ma nasida
mangaradoti be, hapanditaon i;
Tu hamion sude, pasonggop dameMi*

d) Paojakhon:

1) **Praeses:** Hamu Amanami/Inanami dongan sahuria; Sadari on ma ojaxhonon Inanta **Pdt. Dr. Anna Ch. Vera Pangaribuan gabe Pandita Resort di HKBP Ressort Kramat Jati**. Hombar tusi tabegema Surat Keputusan/Ketetapan ni Ephorus HKBP taringot tu parpindaon nasida dohot ulaon ni Pandita Ressort hombar tu Aturan-Paraturan HKBP 2002 dung Amandemen patoluhon.

2) Manjaha SK ni Ephorus HKBP

Ulaon ni Pandita Ressort :

- 1) Manguluhon Resort rap dohot parhalado Resort
- 2) Manguluhon Huria sabungan ni Resort i rap dohot Parhalado partohonan
- 3) Manguluhon Rapot Resort, Rapot Parhalado Resort dohot angka rapot na marrumang tirket Resort
- 4) Mamingkiri nasa naringkot na tau pangoluhon dohot pahehehon huria dohot parhaladona di Resort i.
- 5) Maniroi huria na masuk tu Resort i laho manggohi tanggung jawab na.
- 6) Patulushon haputusan ni Sinode Godang, Majelis Pekerja Sinode, sinode distrik, majelis pekerja Sinode Distrik, dohot Rapot Resort.
- 7) Mangaramoti dohot maniroi parhepengon dohot arta ni huria na masuk tu resort i.
- 8) Patupa evaluasi dohot mangalehon laporan pangulaon, statistik dohot keuangan Resort tu Rapot Resort dohot Praeses.

- 3) **Praeses:** Nunga dibege hamu SK ni Ephorus HKBP dohot ulaon ni Pandita Ressort mangihuthon Aturan-Peraturan HKBP. Nuaeng namanungkun ma ahu di hamu **Pdt. Dr. Anna Ch. Vera Pangaribuan** Na olo do hamu ojakhonon gabe **Pandita Ressort di HKBP Ressort Kramat Jati**, laho mangulahon ulaon songon naung binegemuna nangkin ?
- 4) **Na pinaojak** (mangalusi) NA OLO DO AHU, SAI DIDONGANI JALA DIPARGOGOI TUHAN I MA AHU MANGULAHON SALUHUTNA I.
- 5) **Praeses:** (*huhut manjalang na pinaojak*) :
Marhitehite Goar ni Debata Ama, dohot Goar ni AnakNa Tuhan Jesus Kristus dohot Goar ni Tondi Parbadia huojakhon ma hamu **gabe Pandita Ressort di HKBP Ressort Kramat Jati** Sai didongani jala dipargogoi Tuhan Debata ma hamu mangulahon saluhut ulaoni, asa marsangap Goar-Na marhitehite panghobasionmuna di huria i. Amen
- 6) Humusor ma napinaojak mandompakhon Huria.
- 7) **Praeses:** Hamu Amanami/Inanami dongan sahuria, jangkong hamu ma Inanta **Pdt. Dr. Anna Ch. Vera Pangaribuan**, jala ma siurupan ma hamu di bagasan hasadaon ni Tondi patulushon ulaon ni Tuhanta i.
- 8) **Ruas:** Hujangkong hami ma Pandita nami na imbaru di Ressort on, jala hupaborhat hami ma sian Ressort on pandita na pinda, Debata ma mamasumasu. (*mulakma tu hundulanna*)
- 9) **Praeses: Martangiang ma hita !**
Ale Debata, Amanami Raja ni Huria i. Mauliatema di Ho ala naung diloas Ho Amanami **Pdt. Samuel Christian Sitompul**,

STh manghobasi huria on nasailaon, pasupasu ma panghobasion nasida bahen sangap di goarMu, jala pargogoi ma nasida di inganan panghobasionna na imbaru. Mauliate ma nang rohanami di Ho ala naung ditongos Ho naposoM, **Pdt. Dr. Anna Ch. Vera Pangaribuan** laho marhobas di Resort on. Sai urupi, pargogoi jala patau ma angka naposoMi manghobasi huriaM, asa marsangap Ho di saluhut panggulmit ni huriaM diluat on. Laos pasupasu ma nang huriaM sa resort on, tongtong marhasadaon laho manindangi di tongatonga ni luat on. Mauliate ma di Ho, di bagasan goar ni Tuhan Jesus Kristus Tuhannami. Amen.

e) Mandok Hata (jempek-jempek ma)

- a. Hata partadingan sian na pinaborhat
- b. Hata pamuhai/perkenalan sian na pinaojak
- c. Hata borhatbothat/panjanghonon sian sahalak mewakili Ruas/Parhalado
- d. Pengarahan sian Praeses

f) Panutup:

Marende Huria No. 227: 2,4 “Jesus Ngolu ni Tondingku” BL. 26
(Jongjong ma huria)

- ❖ *Lam tangkas ma patuduhon, tu au on panghophopMi*
Asa i huhalungunhon, hot ma au di lambungMi
- ❖ *Tangkup au Jesus Tuhanku tiop au mansai gomos*
Asa unang runsur pathu sian dalam na tingkos

U : Tatangianghon ma peleanta: Ale Debata, Amanami na di banua ginjang, Ho do haroroan ni saluhut silehonlehon na denggan dohot nasa ulibasa na mauliutus. Hupasahat hami ma sian na nilehonMi tu hami, peleannami tu Ho. Sai jalo ma i gabe

uap na hushus di joloM. Pasupasu ma i jala ramoti asa huparhaseang hami pelean on, patimbulhon harajaonMu di tongatonga ni huriaM dohot di portibi on. Buhai ma rohanami marhitehite TondiM, asa lam hutanda hami godang ni silehonlehonMi tu hami, asa lam girgir hami mandok mauliate tu Ho, marhitehite Jesus Kristus Tuhannami. AMEN

R : (Mangendehon) BE No. 204 : 2 NDANG TADINGKONONHU HO

❖ *Nasa na nilehonMi, tondi ro di pamatanghu.
Hosa dohot gogongki, ro di saluhut artanghu.
Hupasahat i tu Ho, na so unsatonhu do.*

U : Ale Amanami na di banua ginjang! Sai pinarbadia ma GoarMu! Sai ro ma harajaonMu! Sai saut ma lomo ni rohaM di banua tonga on songon na di banua ginjang! Lehon ma tu hami sadari on hangoluan siapari! Sesa ma dosanami songon panesanami di dosa ni dongan na mardosa tu hami! Unang hami togihon tu pangunjunan! Palua ma hami sian pangago!

R : (Mangendehon):

❖ *Ai Ho do nampuna harajaon, dohot hagagoon.
Ro di hasangapon, saleleng ni lelengna, Amen*

U : Pasupasu !

R : (Mangendehon) Amen, Amen, Amen.